

Platt partu:

Rundbreef 2025-07

Sommertied is Müggentied

As Hein vun Müggen beten weer,
hölp nix as koles Wetenbeer.

Moinmoin, leve plattdüütsche Maten un Frünnen!

Nu warrt dat avers hoge Tied för den Rundbreef! Ja, de [Hoochsommer is dor](#) — mit [Eerdbeeren groot un lütt](#), [Gewidderhimmel](#), [Avendsünn över Koornfeller](#) un [Flammstierts bi Nacht](#); un (so as allens in letzte Tied) is he bannig fix kamen. De Optakt to'n Junimaand (orr Rosenmaand, as he ok heet) weer ja noch in'n Lent — [dat schöne Pingstfest](#), un den [hilligen Geist](#) köönt wi ja wohraftig bruken. Leider full dat Fest in't Water. Maakt nix — Meike Balzer-Fraun is de Regen [na de Dröögte willkamen](#), un Behrend Böckmann stimmt dat [reinweg andächtig](#).

Man denn weer't mit den Regen wedder vörbi — [mit den Spargel ok](#); un härter as [de Hitten](#) dreep uns [dat wilde Weltgeschehn](#), sünnerlich dat, wat in't hillge Land passeert. Wioldess Hans-Hermann Briesse sik lyrisch [an dat israeelsche Trauma rantasten deit](#), hett Billa Frerich de [Nees vull vun unsachliche Argumentaschoon](#) över den Gazakrieg, den Behrend Böckmann [in een Reeg mit anner histoorsche Massaker](#) süht. Un denn keem ok noch de [Operatschon "Midnight Hammer"](#)...

Man wenn se nich Krieg föhrt, köönt [Politikers ok amüsant ween](#). Amüsant is ok de [Besöker op Berthold Cordes' Dack](#). Uns' Ruumfohrt-Experte Ludgerd Lüske besingt hüüt mal as Lyriker [de Schöönheit vun't Universum](#), wi fiert dat [swoor togängliche Trinitatisfest](#), un Meike Balzer-Fraun [stellt uns Tilly ut Brundörp vör](#). Mit de [Maandennotizen](#) hett dat Tüdel geven: De [Notizen ut'n Christmaand](#) harr ik ut Versehn al verleden Maand rutbröcht, de för'n [Nevelmaand](#) daför nu. Un [för de Kinner](#) is in'n Junimaand gor nix rutkamen. Kann ja mal passeern — ik pass opneegst beter op! ;-)

Passt Se alltohoop ok good op sik op, leve Maten, un geneet Se allens Gode, wat uns de Sommer bringt! Denn leest wi uns sund un munter wedder in'n Aarnmaand.

Nu de Linkliste. Op de Links bruukt Se bloots klicken, dat Se henkaamt.

Plattdüütsch Künst:

[Notizen ut'n Nevelmaand](#). Fotos un Verse vun Marlou Lessing (28.6.)

[Körnland an'n Aobend](#). Van Ludgerd Lüske (15.6.)

[Moje Galaxien](#). Bild-Gedicht van Ludgerd Lüske (12.6.)

[Dörch dat Johr: Sommer](#). Versen un Vertelln vun Hans-Hermann Briesse (9.6.)

[Ein Pingstlied van Gustav Falke](#), överdragen van Ludgerd Lüske (9.6.)

[Mit Biller dör dat Johr 2025: Junimaand](#). Biller vun Hildegard Tölke, Verse vun Marlou Lessing (5.6.)

[Zyklus "Israel", Deel 3](#). Vun Hans-Hermann Briesse (5.6.)

De Welt un Gott:

[Johanni is't mit Spars vörbi](#). Vun Behrend Böckmann (20.6.)

[Trinitatis: Gott in unendlich veel Formen](#). Andacht vun Marlou Lessing (15.6.)

[Veer Brundörper Fruens vertelt vun fröher — Deel 2: Tilly](#). Vun Meike Balzer-Fraun (12.6.)
[Pingsten un Spraak](#). Andacht vun Marlou Lessing (8.6.)

In't [Erinnern-Notizbook](#):

[Ich versteh nicht!](#) Vun Meike Balzer-Fraun (22.6.)

In't [lütte Gebeedebauk](#):

[Pingsten in'n Rügen](#). Vun Behrend Böckmann (8.6.)

[Natuur un Wetenschap](#):

[Dat ward seggt: "Beter en Lünen in'e Hand as en Duuv op't Dack"](#). Vun Berthold Cordes (21.6.)
[Flammstierts in'n Rosenmånd](#). Vun Behrend Böckmann (5.6.)

In't [aktuelle Natuur-Notizbook](#):

[Versteckspeel](#). Vun Marlou Lessing (15.6.)
[Kalli vör de Mauser](#). Vun Jasmin Apcin (14.6.)
[De Sünn an'n Mors ketteln](#). Vun Marlou Lessing (12.6.)
[Natte Pingsten](#). Vun Meike Balzer-Fraun (8.6.)

[Wat in de Welt vörgeiht](#):

[Operatschon "Midnight Hammer"](#). Vun Behrend Böckmann (29.6.)
[Bildungsschnack un Blödschnack](#). Vun Behrend Böckmann (22.6.)
[Guernica, Lidice, Oradour, Gaza](#). Vun Behrend Böckmann (20.6.)
[Sik sülvst verdeffendeern](#). Vun Sibilla Frerich (9.6.)

In't [plattdüütsche Notizbook](#) vun Marlou Lessing:

[Krieg spelen för Baby-Keerls](#) (29.6.)
[Allens för Donald?](#) (28.6.)
[En Melkmäkenreken](#) (25.6.)
[Rechtsfrie Welt](#) (22.6.)
[Privatbesitt!](#) (21.6.)
[Glieke Rechte för all?](#) (20.6.)
[De Domptöör](#) (5.6.)
[Leven in de Anarchie](#) (4.6.)

Hartlich grööt

Marlou Lessing un dat lütte Plattpartu-Team